

UGOVOR O VRŠENJU USLUGA

zaključen između ugovornih strana:

1. **Federalnog ministarstva kulture i sporta, u čijem sastavu je Zavod za zaštitu spomenika, koje zastupa Zora Dujmović, ministrica** (u daljem tekstu: **Naručilac**), Obala Maka Dizdara br. 2, Sarajevo,
-identifikacijski broj: 4227298880007;

i
2. **GEOAVAS d.o.o. Sarajevo, kojeg zastupa Semir Ahmetspahić, direktor** (u daljem tekstu: **Izvršilac**), Latička br.14, Ilidža

-identifikacijski broj: 4202006930006;

I. PREDMET UGOVORA

Član 1.

Predmet ovog ugovora je vršenje zaštitnih arheoloških istraživanja, što podrazumijeva ručno i strojno iskopavanje već evidentiranih prostora prema Elaboratu o arheološkim istraživanjima na trasi brze ceste Lašva –Nević polje, dionici Izlaz iz poslovne zone Vitez – petlja Nević polje, pod arheološkim nadzorom, georeferenciranje arheoloških cjelina, dokumentiranje tijeka iskopavanja, preliminarnu kabinetsku obradu svog iskopanog materijala i Elaborata o izvršenim istraživanjima na trasi brze ceste Lašva-Nević polje, a sve prema tenderskoj dokumentaciji, po provedenom Otvorenom postupku u Federalnom ministarstvu kulture i sporta.

II – CIJENA, NAČIN PLAĆANJA I REALIZACIJA UGOVORA

Član 2.

Izvršilac je dostavio ponudu ukupne vrijednosti **186.615,00 KM** (cijena sa PDV-om) po provedenom Otvorenom postupku za vršenje poslova prema Aneksu VII tenderske dokumentacije, koja je sastavni dio ovog ugovora.

Naručilac se obavezuje **Izvršiocu** uplatiti prvi dio ugovorene vrijednosti u iznosu od 50%, u roku od sedam dana nakon potpisivanja ugovora i dostave računa.

Drugi dio ugovorene vrijednosti **Naručilac** će **Izvršiocu** isplatiti prema stvarnim troškovima, odnosno prema dostavljenom dnevniku izvršenih radova, u roku od sedam dana po završetku poslova, predaje elaborata i dostave računa.

Naručilac i **Izvršilac** se obavezuju da potpišu svaku stranicu dnevnika izvršenih radova.

Izvršilac se obavezuje započeti izvođenje radova u roku od 10 dana od dana potpisivanja ugovora i uvođenja u posao.

Ukoliko **Izvršilac** bude dobio posao na više lotova, odnosno dionica, uvođenje u posao će se vršiti postepeno. Nakon završetka prve dionice, **Izvršilac** će biti uveden u posao na drugoj dionici i tako redom.

III – ROK IZVRŠENJA

Član 3.

Izvršilac se obavezuje izvršiti poslove koji su predmet ovog Ugovora u roku od 40 dana od dana početka izvođenja radova.

U slučaju zakašnjenja u realizaciji ugovorenih obaveza krivicom **Izvršioca** u utvrđenom roku, **Izvršilac** plaća **Naručiocu** ugovornu kaznu u visini od 0,5% od ukupne vrijednosti faze ugovora za svaki dan kašnjenja završetka radova, a najviše do 5% od faze ugovora koja se realizuje.

Naručilac se obavezuje odrediti lice koje će obavljati stručni nadzor nad izvođenjem radova.

Član 4.

Ukoliko **Izvršilac** usluga pod uticajem više sile (nepovoljni vremenski uslovi i sl.) nije u mogućnosti da obavlja terenski posao, obavezuje se obavjestiti stručni nadzor i uz njegovu saglasnost može privremeno prekinuti radove. Stručni nadzor potvrđuje opravdanost zahtjeva za privremeni prekid radova i za taj period će se produžiti period ugovorenih obaveza.

IV – KVALITET RADOVA

Član 5.

Naručilac, preko lica određenog za stručni nadzor, provjerava da li se Ugovoreni poslovi vrše stručno, a **Izvršilac** se obavezuje da će otkloniti sve uočene nedostatke i greške.

V - PRELAZNE I ZAVRŠNE ODREDBE

Član 6.

Ugovor stupa na snagu i primjenjuje se od dana kada ga ugovorne strane potpišu.

Član 7.

Sve nesporazume iz ovog Ugovora, ugovorne strane će nastojati riješiti mirnim putem, a u suprotnom spor će rješavati nadležni sud u Sarajevu.

Član 8.

Ovaj Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

IZVRŠILAC:
DIREKTOR



Semir Ahmetović

NARUČILAC:
MINISTRICA



Zora Dujmović

Broj: 55-U /22

Broj: 01-11-11-3054/22

Sarajevo, 27.5.22 godine

Sarajevo, 25.05.2022. godine